

續修經小卷



續修楓涇小志卷三

志名蹟

里人程兼善達青重纂

古蹟

陸莊 在涇南四中區唐陸宣公故宅子孫聚族而居善志

陳元鑣詩奏議舒忠悃聲名百世芳一莊留此地雲水感
蒼茫

采芝室 元王世昌所居楊維楨記今廢善志

杏花村 在鎮南關帝廟西元戴光遠別墅栽杏花甚多故名

今莊基村即其遺址參善志

顧戩宜詩風颺青帘日未哺前村有鳥喚提壺杏花零亂
春深處好抱瑤琴一醉沾 葉珮麟詩杏花零落已無存

楓涇小志

卷三 名蹟

蔓草萋萋野色昏紫燕不來春社寂纖禽也識是荒村

清風角 在東港元張觀居此消夏錄載張觀西涇庵
小樓臺界畫極工

蔡維熊詩賸水殘山付斷紈清風一角老張觀西庵臺榭
披圖是底索梅花拓本看

五哥莊 在芙蓉灣旁元五哥相公宅今廢五哥相公元華亭
尉顧焉子遷居

於此遂以
五哥名

芙蓉灣 在小橋內元張觀種芙蓉處善志

營墩 在張涇匯左相傳元兵南下時有李太均為道聚眾結
營於此故名善志

古賢里 俗呼梅園有元教授顧深墓善志

硯子墳 在芙蓉灣左元張觀以硯殉葬故名善志

魏塘孫燕昌詩磨硯人終被硯磨芙蓉灣口草綠坡丹青
幾費臨摹手退筆應成翠堵多

戴氏故居 在虹溪上明顧文昂析居於此

四香亭 在仁濟道院右明周文襄忱治水時築後毀 國朝

里人戴容浦鰲蔡維熊等斂貲重建

善志按四香謂雨今廢
香露香月香雪香

周文襄詩臺鎖陰雲日正長枝枝采采媚春光花朝醉臉
庭前溼撲席惟聞散雨香 紅白蓮開鷗夢長錦雲重疊
映波光高低影落隨風舞亂滾明珠瀉露香 簾捲星河
夜漏長一林清氣沁秋光誰知天上黃金粟萬籟銷沈噴
月香 鐵幹橫斜石徑長疎花點玉拂寒光北風剪剪清
人骨天地無塵是雪香 邑令戈鳴岐記略曰余出宰嘉

楓涇小志

卷二

名蹟

禾讀善邑志得明正統時江蘇巡撫周文襄公所建四香
亭已心焉誌之壬子四月來攝邑篆至向之所謂四香亭
者有濠濮間趣而知古人所寄良有在矣亭於明季罹兵
火邑之名宿戴君西離萃同人醵金重建屬余爲記喜戴
君諸同人不忘先哲高山之意異日身膺仕版此物此志
其以是爲嚆矢也夫

得泉亭 在致和橋東麓明顧文昂墾地得錢因浚涇井築亭

其上

善志

咸豐庚申毀於寇光緒丁丑裔孫念奎募資重建

周寅詩清風義非古衢側泉脉源源來不息居人緩汲行
人先丹室仙人方煮石築亭者誰顧虎頭我有義心天有
錫凡今錢貨古曰泉一舉偶然成兩得 釣灘王晉詩井

之亭兮大如斗井之泉兮甘若酒天貺筠翁固非偶翁於斯舉亦不苟琳宮石梁峙其右掩映西東共悠久芳名盛落行人口翁若視之不我有胡晨詩得泉不作尋常用

古井從教一鑑開結箇清風亭更好泉聲時逐義聲來

陟翠山房 在仁濟道院明道士許拱盟修煉處今廢

古桂軒 在仁濟道院明顧備施藥處後改文昌閣寇毀善志

文筆峯 在仁濟道院南與文昌閣對峙積土成之尖銳而秀

如卓筆有關文運今廢

顧遜詩殿塑三清棘刺檐梓潼遺像自莊嚴隔溪文筆峰猶在橫掃千軍秀挺尖

十笏山房靜緣山房 在妙常庵明寂照禪師講經處今廢

楓涇小志

卷三

名蹟

三

古陸公井 在界河橋南井欄刻楓涇陸宅東旁義井萬曆五

年四南區信士周奇同妻陸氏喜捨

綠溪 在王帶明正統時支立講學處有文瀛軒清且閣今廢

善志

吳瀆還綠溪訪古詩風月無邊草一庭森然妙蘊發新硯

清芬贏得流傳久葉葉人呼小五經

山曉閣 在羅神廟橋東孫琮著書處宏博秦松齡題額喬木

參雲皆數百年物朱太史彝尊題楹聯云不設藩籬恐風月

被人拘束大開戶牖放江山入我襟懷後歸王氏今廢善志

錢諒臣過山曉閣詩乘夜亦相過知君永延仁高館肅清

秋空明澹澹際爲愛竹林幽偏行無月處

右在鎮南

陳賢良隱居處

宋史所載白牛村別業是也

謂在嘉善縣清

風涇白牛村按善志云舜俞罷官後隱居白牛村自號白牛居士故以名市攷記纂淵海白牛村在華亭不言由舜俞得名則白牛之稱舊矣

張堯同詩發策名猶在回頭事已非池塘春水綠空憶謝

公歸

金沙灘

在海慧寺對岸相傳宋韓斬王嘗屯兵於此土人掘

地屢得賞軍酒餅

志

光緒四五年間又得餅數十枚

按韓餅到處皆

有新王未到之處亦有出土者賞軍之說恐是相傳之誤

陳祁韓餅詩古岸傾欵漲暮潮韓餅拾得認前朝從知折

戟沈沙裏未必都隨劫火燒

楓涇小志

卷二

名蹟

四

留春亭

在海慧寺前宋時建今廢

宋僧德葵詩聞說芳亭著意濃留連美景一壺中歌聲不

放鶯聲老酒面常陪花面紅筍迸玉簪穿落日柳拖金線

繫東風時人盡道春歸去疑是桃源路忽通 楊次公詩

古今春過知多少人不留春白頭早君欲留春春不知為

君一賦留春詩留春莫只留花住花老春風亦隨去孰若

芝蘭香不歇亭下長如二三月

水波壁

在海慧寺北廊今廢

德葵畫水波壁歌君不見昔人十日畫一水摩挲窪窪隨

手起若非胸次吞江湖安得波瀾來筆底我來蕭寺觀奇

蹤壁間隱隱騰蛟龍初疑乘風馭弱水恍然坐我蓬萊宮

又疑去年八月秋水溢陰風襲人廊廡溼誰知畫者巧通
神董羽至今羞死筆此水不是畫一水一水勢相及對此
融神坐終日後人雖畫畫不出何如倒卻毗陵嚴華筆海
慧北廊推第一

八角井 在海慧寺旁

柏學士茅屋 在薇枝浜柏古莊黃星周題額其吟詠處曰小

香巖今廢

采入松江府續志

柏古詩涇水洋洋可釣魚棲遲絕似碧山居詩交杜甫千
秋上春老陶潛五柳餘學士清風還拂拂野人茅屋豈渠
渠年來已辦漁樵事徒有傳家太史書

右在鎮北

楓涇小志

卷二

名蹟

五

園林

陸氏園 在四南區荒字圩南宅浜宋宣議郎陸祖壽遺址四
圍通水中可十畝相傳爲陸氏園

費氏園 在四中區費家浜明孝廉費朝憲葺分東西園廣數
十畝今廢

東園 明顧謹別業有綠雲徑半畝池名人題詠甚多今廢
顧人文詩綠雲芳徑紫茸埋半畝方池兩部蚌讀罷桐村
數行序古香零落不勝懷

松鱗書屋 在南陽村張離構董宗伯邦達題有白皮松一株
係數百年物後屬程氏寇毀

李葵生記畧曰張子鷗盟與余締總角交嘗構別業於南

陽之坡前臨池右種竹四時蒔花木又植青松數十株使
多歷年所爲讀書課子孫之地此松鱗書屋之所由名也
晚翠軒 在松鱗書屋東亦張氏宅寇毀

適園 在東港蔡巽修別墅中有松風閣桂坡竹廊諸勝後屬
謝氏寇毀

蕉園 胡世培葺其吟詠處曰楓南書屋今廢

胡世培詩自劇荒蕪地數弓倦來拋卷到園中不勞更把
陰符看大半甘心作釣翁

清風閣 在東港謝垣別墅子純鉅築得月榭今廢

葉珮麟詩間泛輕舟日未斜鷺塵遠隔水平沙清風閣外
香風起丹桂初開滿徑花

楓涇小志

卷二

名勝

六

虹東草堂 在黎家橋東丁斯年葺長洲沈文愨書額中有雙

桂軒團月窩牡丹齋仙人洞寒梅徑二喬巖薔薇屏活水池
玉蘭坡紫薇叢今廢

望雲樓 在適園後太史謝恭銘藏古今碑帖處刻有望雲樓

法帖行世同治二年毀於寇石刻爲劉統軍秉璋攜去

按統軍克

復楓涇由賊壘中檢得望雲樓碑石
飭健卒載至蕪州後遷歸安徽家中

曹文正公振鏞詩望雲君名樓吾以名吾軒引領雲起處
思親無晨昏吾師精鑒賞眞贗窮本源渺石垂永久賴有
後賢昆先公酷嗜古卷軸手自翻分藏俾合翫易簣有遺
言嗟哉吾伯氏寥落今安存雲聚易結影雲散難留根白
衣忽蒼狗新安江上村 鈎摹十册輯想見昔典型唐賢

仿舊跡冠以黃庭經幽宮表先德殿以墓志銘吾師盛文藻獻賦登天廷光華勳卿月聲望轉使星好學老不倦七十有七齡我爲門下士慚愧野鶴形相期渥清足相譽鳳凰翎師恩感知遇念及每涕零幸有哲嗣在尙記鯉過庭他時若歸去扁舟訪楓涇

怡園 在九北區上舍楊羨仁築

涉趣園 在九北區草裏孫楊壆築刻有涉趣園唱和詩集吳江郭馨序

環柳莊 在四中區東冬圩夏仁山建中有愛吾廬鶴鳴山房聽漁歌處草隱亭今廢

程氏園 在虹溪上道光初爲上舍程儋得重葺之地雖不廣有漱石居小壺天餅花館頗饒泉石花木之勝寇毀

楓涇小志

卷二

名勝

七

右俱鎮南

陳園 在朱家橋內陳簡叔築後屬黃氏寇毀

陸園 在惠安里陸家匯江油令陸翼弟裴野別業中有桂嶺梅軒雲深閣棲鶴處洗硯池今廢

宜樓 沈承點葺有十景梅林晴雪松院疎風竹墅茶煙棋枰蕉雨平橋月鏡隔岸鶯梭桃涇漁艇柳陌農歌鄰園晚嶂曉寺晨鐘同里徐維城各詠以詩咸豐十年寇毀

緜壺小隱 沈蓉城葺今廢

蘆洲別墅 在北柵外沈守洮築

右俱鎮北

第宅

宋古正言許克昌宅 在鎮南久廢

怡養堂 在鎮南明顧文昂宅今廢

高士軒 在鎮南虹溪上明顧道心宅今廢 按道心號主齊附
監生考授浦城主

簿去官時陸中丞黃山送以詩云高士進云不為簿
軒中他日己更名蓋以考亭屬望也歸築高士軒

浦堂 在鎮北花園埭明沈泓宅有妙來齋泓著易憲處 婁志

南松堂 在鎮南硯子墳北顧氏世居於此俗呼高屋今廢

寶綸堂 在鎮北高陽坊 國朝處士曹燦宅邑令李天柱褒

其廬曰高風可仰中有塵隱齋燦孫復元讀書其中今廢

永思堂 在鎮北尤家場給諫楊爾德宅後屬趙氏寇毀 婁志今

屬葉氏

楓涇小志

卷二

名蹟

八

居易堂 在鎮南芙蓉灣陳原著四書述解處今廢

鳳覽堂 在鎮北張家橋北高明令陳培宅寇燬

旌表孝義陳仁宅 在鎮南芙蓉灣寇毀

鎮撫葉昌鼎宅 在鎮南仁濟坊後屬孫氏寇毀

鎮撫尤毅宅 在鎮北尤家場後屬葉氏寇毀今鄒氏重建

廉訪浦文焯宅 在鎮南小橋內後屬翁氏寇毀

鄉飲顏士偉宅 在鎮北桃源巷寇毀

鄉飲王任相宅 在鎮南球場久廢今屬葉氏

南部縣知縣林鏡宅 在一保二十圖林家蕩

江油縣知縣陸翼宅 在一保十六圖蘭家浜

味閒堂 在鎮南得泉亭北葭州知州陶爾穩宅今屬陳氏

妙正真人婁近垣宅 在鎮北惠安坊中有 旌額二一日葆

素行仁一日高義可風為鄉約義士婁某立 和傳真人之先代累世積德壑

埋暴骨事尤力行之 成豐十年寇毀

四詠閣 在鎮南秀南坊典簿戴賓構董文恪繪圖沈文憲為

記後屬許氏成豐十年寇毀

惇裕堂 在鎮南孫家街西百歲翁程緒祖宅俗呼官房

尊德堂 在鎮南廣濟坊封翁蔡維熊宅嘗會九老於此

閣學許王猷宅 在鎮南羅神廟橋東後屬王氏寇毀今建清

賢堂

南村草堂 在鎮南太常寺少卿程鍾彥別墅今廢

三友齋 在鎮南蕘塘浜修撰蔡以臺宅後屬沈氏寇毀

楓涇小志

卷二

名蹟

九

啓秀堂 在鎮南羅神廟橋西少宰謝墉宅成親王題額兵毀

贈道銜內江縣知縣許椿宅 在鎮北永昌坊寇燬重建

環碧書莊 在鎮北桃源巷 內廷供奉沈映暉宅有十景曰

桃源深境溪北茂林竹徑松風桐陂蕉雨遠寺聞鐘小橋攬

月鴉鳴古木魚躍清流東田染翠西窗映雪今尙存數楹

沈映暉序畧曰甲戌春仲築小齋於屋後名曰環碧書莊

地居桃源巷之深處廣不盈畝四時之景俱取諸書室之

外甫陽張先生課兒姪於此齋居停既久樂其景物之清

遠間曠撮其大略名以十景云巷名何自號桃源守樸由

來非避喧小艇隨溪穿不盡微波宕漾落花繁 桃源深境 小築

茆堂傍水濱向榮萬木及時春北窗靜對渾無事疑是羲

皇以上人

茂溪北

謾謾濤聲響半空聽來竹徑思無窮明年

更插籬邊菊三友居然處士風

松竹

龍門移植陰青蒼暑

氣已平暗度香更愛綠雲一片雨聲聲浙瀝送微涼

桐雨

遙瞻古刹似天關只隔長隄水一灣萬籟無聲書閣靜忽

聞鐘磬落雲間

遠寺

步月野橋衫袖涼迷離煙樹識村莊

浮雲半夜清河漢領畧風光無盡藏

小橋

秋到清溪似碧

瀾愛魚日日倚闌干當年莫問濠梁樂活潑生機靜可觀

魚躍

古木森森陰北郊每當鴉集最喧呶高翔羨爾凌雲

志日暮還忻息舊巢

鴉鳴

農工四月劇堪憐纔了春花又

插田喜得洪鈞生蕙滿頓敷新綠徧東阡

東田

西樓浩雪

縱遐觀銀鶴瓊枝象萬端尤愛高軒展卷帙清光疑是月

楓涇小志

卷二

名蹟

十

光寒

西窗

沈鳳輝和詩非關避世關桃源地僻迴殊城

市喧花落溪流無盡境客來應費問津繁

桃源

北窗濃綠

擁溪濱極目葱龍萬象春好擬蘭亭修禊事茂林曲水儘

宜人

茂溪北

鳳尾千竿勢拂空龍鱗百尺狀難窮夢回一覺

游仙枕吹落松風又竹風

竹徑

濃陰滿地色蒼蒼雨遇風

生新綠香試取琴材彈一曲芭蕉葉上逗清涼

桐雨

偶然

策杖叩禪關活水源頭第幾灣最是霜天清夢曉一聲鐘

度碧雲間

遠鐘

月光如晝露華涼徑曲橋通野外莊祇恐

蛟龍驚不定明珠一顆水中藏

小橋

穀皺風生漾翠瀾甯

勞縱壑問江干須知我樂同魚樂蒲藻何妨一例觀

魚躍

林茂知歸本樂郊霜餘古木尙爭呶卻憐我亦羈棲久爲

爾吟成念故巢古木鳴碧浪層層色可憐一犁春雨響溪田

乘閒偶向東皋步東田邏迤行來徧陌阡染翠一夜西風頓駭

觀雪花如掌下簷端老人不改耽書癖獨向窗前耐苦寒

西窗映
雪新補

錫慶堂 在鎮南南陽村光祿寺卿陳孝泳宅後屬程氏寇燬

乾隆辛卯孝泳母朱氏年八十恩榮賜彩緞等物因築堂以紀

吟香閣 在鎮北永昌坊教授畢鎮宅後屬程氏寇燬重建

里人葉伯圭詩文櫨畫棟聳層霄秋日登臨極望遙萬樹

寒雲隨鳥聚千村落葉向人囂鐘聲隱約來鄰寺鴈影迷

離過市橋丹桂赤鱗森屋角果然香氣溢詩瓢

尊謙堂 在鎮南新街內邠州知州陳蘭徵宅寇毀

楓涇小志

卷二 名蹟

十一

愛碧山房 在鎮北桃源巷侍御沈步垣宅中有八景即環碧

書莊舊址見婁續志

方伯陳邗宅 在鎮南秀南坊寇毀

據經堂 在鎮南苟街西觀察王啓焜宅

兼山堂 在鎮西聚源橋南翰林吳遇坤宅今屬畢氏

觀察吳書城宅 在鎮南寶源橋西後屬程氏

壽官郁昌齡宅 在鎮南弦歌里寇燬重建嘉慶庚申昌齡九

書題其堂額曰雙慶并書聯云北極獨尊同壽城南陔眉桮兩仙人

留耕堂 在鎮北潛鳳坊馮家街內善廩生郁松垣宅

傳經堂 在鎮北北豐橋灣裏署祥符縣知縣費震文宅後屬

沈氏

靜觀堂 在鎮南界河橋南甯晉縣知縣謝宇澄宅寇毀今屬
程氏

純誠堂 在鎮北泰平坊長洲縣教諭許辰珠宅 以下新纂

承慶堂 在鎮北潛鳳坊內閣中書陳垣宅

醉月居 在鎮北印家橋南訓導葉世熊宅

塚墓

柴丞相墓 在九南區中日圩

顏將軍墓 在九南區三荒圩

越王墓 在四南區大玉圩

郭將軍墓 在鎮南適園內有松兩株甚古寇至被戕

以上四墓未詳時代

楓涇小志

卷二

名蹟

十二

唐

同平章事陸贄墓 在嘉興縣新豐鎮後墓前有橋俗呼陸贄

墳橋

嘉興何志 宣公墓初未聞遷葬故鄉嘉興之墓縣志

以爲衣冠識墓理或然也又吳郡城北有一大塚相傳爲宣公墓故其地名陸墓水名陸塘宋瀆熙間有於墓旁得遺刻

與所傳合郡人周虎張正發皆紀其事亦恐屬附會之詞

楊葉墳 在一保六十四圖相傳陸宣公二妾楊氏葉氏葬此

宋

宣義郎陸祖壽孫京師教授端信墓 在四南區荒字圩 志

迪功郎陸瑀墓 在四中區子鄉進士端仁墓 在水字圩孫

三司計正墓 在穴日字圩陸氏三墓鼎足相望俗呼三角

墳 浙江通志

將軍姚廷睿墓 在鎮北海慧寺後

餘杭主簿婁億墓 在胥山五都億參知政事機曾祖也善志

陳舜俞銘彼何人之門兮鴈行馬車老夫懷金兮童子紆
朱取其萬鍾兮不差毫銖庭有梁肉兮胸無圖書天之生
此兮何罪何辜句讀其話言兮節文其步趨抱筆而宵吟
兮鋪楮而晝塗天子招其以仕兮鄉人勉呼衆肩相煦摩
兮疾駕爭趨有司五上吾名兮禮部曾不一如退將羸其
角兮進且跋其胡行年幾六十兮僅免白徒一秩不能勝
兮朝強而暮殂考妣其謂我兮違悼妻與孀高者我難諷
兮厚者彼難語諸百浪寂默兮秋草之墟

屯田員外郎陳舜俞墓 在九南區俗呼荒墩博士陳光遠銘

楓涇小志

卷三

名蹟

十三

善志 一說在烏程今荒墩有陳氏墓蓋其子孫葬處後人因立

舜俞祠祀之嘉善楊志 按文獻通考及方輿勝覽載舜俞為嘉

善志 者至其葬地弘治湖州府志謂在蘇灣及考呂太常黨福源

善志 菴墓祠記則載舜俞為魏塘人墓在縣治東南七里有墩陸

宋蘇軾祭文嗚呼哀哉天之生令舉初若有意厚其學術
而多其才能蓋以兼百人之器既發之以科舉又輔之以
令名使取重於天下者若將畀之以位而令舉亦能因天
之所與而日新之慨然將以身任天下之事夫豈獨自任
將世之士大夫識與不識莫不望其如何一奮而不顧
以至於斥一斥而不復以至於死嗚呼哀哉天之所賦為
偶然而無意耶將亦有意而人之所以周旋委曲輔成其

天者不至耶將天既生之以昇世人而人不用故復奪之而使逝耶不然令舉之賢何爲而不立何立而不遂使少見其毫末而出其緒餘必有驚世而絕類者矣余與令舉別二年而乃始一哭其殯而弔其子也嗚呼哀哉
司馬光弔陳舜俞詩海隅方萬里豪雋幾何人百沐求才盡三薰得士新聲華四方聳器業一朝伸他日蒼生望非徒澤壽春 元黃魯德詩河水東流繞九墩至今不解識
眞墳白牛曾踏風涇路故老時時說隱君

參知政事婁機墓 在嘉興府城南五十里里二都 嘉興湯志

東三十里一塚甚高傳是婁機墓中有石室爲盜所發見朱尊彝駕湖權歌注樓鑰撰神道碑明一統志載嘉府志

元

楓涇小志 卷二 名蹟 十四

松江訓導王文澤墓 在橫雲山秦裕伯銘 婁志

隱士殷澄墓 在胥浦楊維楨銘 婁志

鹽法官王富一墓 在一保斗門涇

隱士顧實墓 在一保白蓮寺南

處士張仲實墓 在四中區結字圩

張貞女墓 在四中區結字圩莆田學士銘張仲實女

教授顧深墓 在四中區梅園里

明 吳府審理孟觀墓 在鱗七區洪字圩 善志

布政使干璠墓 在四中區生字圩萬緣橋北 善志

里人葉珮麟詩干璠墓草一般齊太息蕭蕭日漸西涼月

乍移孤樹影峨嵋庵外冷淒淒

迪功郎王宗達墓 在一保夏家村尼庵內

處士顧元孫墓 在四中區結字圩

冠帶義士顧文昱墓 在四中區結字圩

庠生顧文昂墓 在四中區金字圩高明誌

贈中憲大夫顧態墓 在四中區結字圩

太僕寺卿顧際明墓 在保東區大陶字圩

翰林院孔目支立墓 在四南區宙字圩善志

封翰林院編修李學孟墓 在三保柰字圩申時行銘善志

贈少師徐賢文貞曾祖墓 在一保十九圍善志

欽天監博士胡齋墓 在嘉善縣治東二里善志

楓涇小志

卷二

名蹟

十五

國子監司業王嘉會墓 在四南區小地圩石泉港

處士李天祥墓 在九南區生字圩潘家浜奇珍四世祖也

黃梅縣知縣王相墓 在界河北岸西南匯

平海衛教授王紳墓 在鎮南聖堂浜

龍泉縣縣丞王綱墓 在鎮西米篩橋北有石坊綱字統時其子孫稱統時

公俗途訛爲尉遲恭墳

費氏世墓 在四中區西冬圩孝廉朝憲祖父以上五世連葬

孝廉費朝憲墓 在四中區西冬圩費家浜善志

湖廣副使盛唐墓 在九南區日字圩

贈中憲大夫蔣汝能墓 在四北區樊柰字圩七世連葬善志

工部郎中蔣茂墓 在四中區西冬圩善志

泉州府推官支大綸刑部主事支如玉墓 在胥五區善志

刑部郎中曹懋官墓 在九南區露字圩

百歲翁孫嵐墓 在九南區荒字圩善志

博士孫峰墓 在九南區一荒字圩善志

曹州同知顧備墓 在四中區陸莊

光祿寺卿周宗文墓 在四中區東冬圩善志

僉都御史錢繼登墓 在九南區辰字圩善志

國子監司業李自華墓 在

廉州府教授許應試墓 在胥五區東呂圩曹爾堪銘

鴻臚寺序班沈大化八品壽官沈來儀處士沈國柱墓 在一

保十一圖北陽村前志作沈產墓說

楓涇小志 卷二 名蹟 十六

貢生沈履道墓 在一保十一圖桃源巷

孝子郝性善墓 在四中區水字圩子期際祔

處士謝西涯墓 在鎮南南陽村教化浜俗呼沙泥墳

完節沈文炤妻宋氏墓 在二保四六圖方岳貢董其昌銘善志

禮部侍郎曹勳賜墓 在一保九圖秀才浜善志

鄉飲翁筠墓 在鎮南石灰橋內華亭令王良佐銘

新興縣知縣翁鐸墓 在四中區東冬圩

山東道御史沈澄一墓 在四中區姚家浜

刑部主事徐三重墓 在三保善志

吏部尚書徐石麒墓 在九北區楊林村善志

翰林院編修沈基墓 在鎮西鐵灘頭

漳州府教授葉芳墓 在四南區大地圩俗呼學官浜
贈奉政大夫顧朝樞墓 在永七區

國朝

隱士王無欲墓 在鎮東梵香林後有碑記婁續志

贈文林郎崇祀孝義祠王任相墓 在一保十圖斗門涇

孝子孟春和墓 在永七區亞聖祠右

崇祀孝義祠曹煥墓 在金山干溪十一圖陸祥浜金山志

贈徵仕郎曹奕霞墓 在四中區西出字圩

孫貞女墓 在九南區天字圩長山縣知縣孫衍女名如英許

字錢廷銓謝蘊輝題武塘孫貞姑詩有同穴情逾同室永未
亡稱自未筭難句胡寓孫詩瘞玉埋香草一堆夕陽慘澹水

楓涇小志

卷二

十七

灤涇路人指點傷心處紅杜鵑花帶淚開吳府志

孝廉張介墓 在九南區騰字圩嘉善楊志

贈文林郎費有度墓 在一保十七圖鞠字圩季家灣

八品壽官庠生費升俊墓 在一保十七圖衣字圩

贈通議大夫婁冒辰墓 在一保十一圖始字圩真八婁近垣

父婁志按婁志墓內作婁冒辰封贈內作婁明聘亦近垣趙父未知孰是俟考

贈中憲大夫崇祀鄉賢祠陳華育墓 在一保宿字圩婁志

贈文林郎仙遊縣知縣陳華允墓 在四中區鎖殼裏

侍讀學士沈辰垣墓 在四北區稱字圩善志

大名府知府顧耿臣墓 在四中區結字圩善志

蘆山縣知縣顧向墓 在四中區結字圩善志

會稽縣教諭顧秉堅墓 在四中區爲字圩善志

武舉人施肇嘉墓 在一保十一圖皇字圩前夔涇東浜

石門縣知縣許涓墓 在遷東區北列字圩善志

江南道監察御史李允符墓 在四北區灘西浜

鄉飲戴大用墓 在四中區暑字圩善志

庠生吳振裘妻節婦戴氏大用女墓 在九南區地字圩善志

高明縣知縣陳培墓 在一保頭圖荷花灣張可賓銘善志

旌表孝義候選縣丞陳仁墓 在二保三圖西果村焦袁熹銘

贈奉直大夫陳振墓 在四南區唐子涇

贈文林郎陳禮墓 在一保十九圖鈞鈞浜

贈文林郎陳詰墓 在三保城隍村

楓涇小志

卷三 名蹟

十八

直隸按察使浦文焯墓 在婁邑鍾英村善志

考授縣丞歲貢生徐欽疇墓 在一保白蓮缺楊爾德銘善志

翰林院編修高曜墓 在三保二十九圖新宅善志

孝廉王錦雯墓 在四中區暑字圩

通山縣知縣龔在升墓 在四中區結字圩善志

贈修職郎鄉飲錢森墓 在四南區騰志字圩善志

鄉飲蔣芬墓 在四北區蔣柰字圩善志

鄉飲恩貢生支元素墓 在四南區宿北字圩善志

孝子孫肇薰墓 在九南區三荒字圩善志

贈榮祿大夫錢永均墓 在四中區結字圩善志

贈榮祿大夫錢商佐墓 在九南區騰字圩善志

柳州府通判朱秀文墓 在三保如塘志

贈奉直大夫沈源德墓 在一保十一圖皇字圩陸翼銘

給事中楊爾德墓 在四南區來字圩志

贈翰林院修撰蔡廷正 封翰林院修撰蔡維熊墓 在嘉興

縣感六都東荒圩志

內閣學士許王猷墓 在遷東區北成字圩志

封妙正真人婁近垣墓 在江西龍虎山于文襄銘

封中憲大夫百歲翁程緒祖墓 在安徽休甯縣磨盤山

太常寺少卿程鍾彥墓 在四中區張字圩志

贈光祿大夫謝元一 贈光祿大夫謝春芳 贈光祿大夫謝

永輝墓 在四中區藏字圩志

楓涇小志

卷二

名蹟

十九

吉水縣知縣王辰墓 在胥五區東律圩

江油縣知縣陸翼墓 在一保六十四圖南莊志

溧陽縣教諭曹復元墓 在四中區西出字圩

杭州府教授趙金簡墓 在杭州西湖上

翰林院修撰蔡以臺墓 在四南區北宿圩志

刑部員外郎謝垣墓 在四中區暑字圩牛尾浜子安徽候補

州同署徽州府同知純鈺附

吏部左侍郎謝墉墓 在四中區藏字圩附祖塋旁志

封京畿道監察御史 內廷供奉沈映暉墓 在青浦四十一

保中赤字圩吳省欽銘

贈通議大夫陳廷聰墓 在嘉興縣感七都 贈通議大夫陳

敦明墓同

贈奉直大夫陳廷玉墓 在二保三圖油車浜

光祿寺卿陳孝泳墓 在一保六十四圖賀家浜曹文植銘 志

仙遊縣知縣陳興祚墓 在四中區鎖殼裏

濱州知州陳蘭徵墓 在九南區化成塘

甘肅布政使陳祁墓 在嘉興縣感七都那彥成銘

漢陽縣知縣汪塘墓 在一保宿字圩

贈道銜內江縣知縣許椿衣冠 賜墓 在青浦縣四十一保

伐字圩 善志 子安邑縣知縣煌孫恩騎尉河南候補縣丞基曾

孫兵馬司副指揮兼襲恩騎尉銘恩候選主事錫蕃同祔

署廣西按察使蒼梧驛鹽道周升桓墓 在九南區萬家浜 善志

楓涇小志

卷二 名蹟

二十一

州同沈廷枚墓 在一保十一圖北陽村墓旁築墓廬植梅數

十樹莫椒庭為繪圖

附貢生沈承點墓 在一保九圖秀才浜

給事中沈步垣墓 在嘉興縣感六都蔡廷衡銘

九品壽官婁增生沈蓉城墓 在四中區東馬莊

太和縣教諭沈日鎮墓 在一保十四圖制字圩

內閣學士兼禮部侍郎銜錢樾墓 在九南區姜家浜 嘉志

山東道監察御史程維岳墓 在金山縣十四五圖 金山志

福鼎縣知縣陸澎河通判費秉禮墓 在四中區鄔家漾

四川鹽茶道王啓焜墓 在一保七圖生字圩王昶銘 善志

翰林院編修改內閣中書陳鴻墀墓 在四中區藏字圩

翰林院庶吉士貴縣知縣吳遇坤墓 在四南區往字圩

八品壽官郁昌齡墓 在四中區水字圩

贈奉直大夫注選訓導陳秉元 連平州知州陳鵬 地贈翰

林院編修陳世鈺墓 在杭州馬家鵬

署貴州按察使貴東道吳書城墓 在一保聞賢橋

直隸永定河南岸同知周震榮墓 在四中區嘉府志

南甯州知州周以炘墓 在四中區唐子涇嘉府志

翰林院庶吉士內閣中書謝恭銘墓 在四中區暑字圩

欽賜舉人戶部山西司郎中謝揚鎮墓 在四中區藏字圩

當塗縣知縣顧之葵墓 在鎮南西出字圩

江安督糧道錢金殿墓 在四中區暑字圩嘉府志

楓涇小志

卷二

名蹟

二十一

咸安宮教習舉人陳方駿墓 在一保十九圖鞠字圩松府續志

山東按察使羅煥墓 在九南區大月圩嘉志

贈國子監學錄萬縣縣丞王煥墓 在四中區金字圩嘉府志

建甯府經歷王鎰 打箭鑪同知王鍾鈞墓 在四中區東冬

字圩

南康府知府王登墀墓 在九南區化成庵長浜

刑部郎中程廷泰墓 在四中區中崑字圩

直隸州知州程廷璵墓 在四中區東成圩

署浙江督糧道台州府知府陳大浴墓 在四中區王家灣

萊陽縣知縣蔡傳聲墓 在四中區戚家堰子兩淮候補鹽運

司知事祖存祔

江華縣知縣陳家樂墓 在四南區雨字圩

都察院左副都御史錢寶青墓 在四中區東冬字圩嘉府志

贈翰林院庶吉士夏金堂墓 在九南區騰字圩楊橋南趙家

浜善志

南雄直隸州知州孫成彥墓 在九南區日字圩善志

文童王大木妻烈婦顧氏 孝子王濤墓 在鎮南小橋裏里

人建祠於旁祀之

運同銜長洲縣教諭許辰珠墓 在一保二圖光字圩野茅洞

新墓

四品銜內閣中書陳垣墓 在四中區張字圩新墓

五品銜鎮海縣教諭孫葆澂墓 在九南區日字圩灣涇港善志

楓涇小志

卷三

名蹟

二十一

沈貞女墓 在一保十一圖始字圩白牛塘口婁續志

嘉郡增生程炳墓 在九北區東北宿圩以下新纂

贈奉政大夫旌孝葉奕良 封奉政大夫訓導葉世熊墓 在

青浦縣四十一保五十四圖伐字圩

同知銜揀選知縣郁宗蕃墓 在四中區東冬圩丁家浜

就職訓導歲貢生郁德標墓 在四中區水字圩龍堰

處士朱乃熾墓 在四中區金家坂

附義塚

積骨塔 在白牛蕩側里人程士文建有碑記

義塚 一在四中區岡字圩明吳府審理顧備捐田三畝三分

四釐上林苑署丞顧梧芳捐田十一畝築牆立石以垂永久

志善

一在一保十一圖始字圩 國朝乾隆十七年田爾康
捐田一畝四分 嘉慶二年張身濤陳蘭徵等倡舉瘞埋稟
縣立案禁止火化收埋枯骨一千六百餘具刻有瘞埋總錄
五年至十六年張身濤等收埋枯骨一千七百十四具
十九年張修樂等收埋一百六十二具 道光元年王泰等
收埋八百七具續刻瘞埋總錄 三年水災厝棺被淹程應
枚捐貲僱人撈瘞二百九十二具於岡字圩 十九年主簿
李植暨里人等瘞關帝廟旁厝棺一百十三具於結字圩
二十九年水災里人程熙雍捐貲千緡撈取厝棺瘞於陶莊
干窰兩處 咸豐十年粵寇焚掠居民多赴水死者里人陳
鴻基張慶溶程熙雍捐貲撈屍二百四十具埋於岡字圩

楓涇小志

卷二 名蹟

二十三

續義塚 一在四中區雲字圩同治八年葉永元捐四百二十
二號田三畝六釐 一在一保十圖光字圩撥永鎮庵管業
二十六號二十七號田八畝五分五釐 一在一保十一圖
始字圩許光墉捐九十三號九十四號田六畝四釐 一在
一保十七圖鞠字圩程光熊捐一號田十畝五分四釐 一
在一保十圖果字圩同善會館管業撥四十號田二分 一
在一保十二圖人字圩程同榕捐五號六號田二畝六分四
釐施華萼捐四號田一畝九分二釐 一在一保十三圖遜
字圩唐永耕捐九十三號田三畝七分 瘞埋經費咸豐五
年程熙陽捐九南四中區北三區田九十一畝八分由同善
會經理 同治八年陳宗溥等稟縣通詳兩省大憲嚴禁阻

葬索規勒石永禁

漢邑舊在城隍廟內

同治八年至光緒六年鎮南

近鄉共埋枯骨六千一百八十八具胡錦曦金福田陳宗溥經辦 同治八年至十年鎮北近鄉共埋二千六百八十具 光緒七年鎮北近鄉共埋二百餘具 八年鎮南近鄉共埋四百具以上俱陳宗溥經辦 十三年鎮北三保各圖共埋三百具沈椿經辦 十四年鎮北三保各圖共埋三百具沈文治沈椿經辦 十五年鎮北三保各圖共埋三百具胡錦曦經辦 三十二年共埋四中區暴棺八百餘具主簿陸恕里紳陳銓衡沈椿僧祖望募資經辦 三十四年共埋鐵路遷棺二百五十餘具於鎮南小南柵隙地里人沈廷柱尤施賢經辦

柯萬源瘞埋疏昔周官垂除黜之文漢帝下收骸之詔孰秉伯倫之曠達一錮常隨空噉司馬之豪奢三年未就闕體臺建歡如夏屋之游漏澤園開罷聽秋墳之唱溯澤枯之善有德皆歸讀瘞旅之文當仁不讓何況惠深梓里誼切枌鄉良法久昭成規具在新鬼豈殊乎故鬼狼籍可憐後人宜踵乎前人鳴工綦急楓涇鎮舊有瘞埋會自道光元年停辦後窆牀易朽楮木多消殘魄銜悲憐飛五夜遺骸抱痛嘯聚九原冥漠君死或有知奈無孫子窳窳事昔原不缺久閱春秋蔓草荒蕪誰裹饅頭於城外山邱零落徒思華屋於生前此行路所爲酸心而鄉居不忍袖手者也爰糾同人擬承曩制過荒墟而憑弔暴露堪傷睹故板

以跼蹐窮塵空委一抔待掩歎雨零日炙之餘四野重搜
免鳶攫狼銜之害顧事經重理多藉黃金而人有同情忍
披白骼欲驗羣生之歸土須資衆志以成城伏冀長者流
慈宰官喜捨各盡心而輸鏹當量力以解囊忱不封不樹
之摧發無量無邊之願整齊畚揭免遭螻蟻之餐搜剔蓬
蒿豈效鯨鯢之築庶幾食風食炭悉憑黃壤以歸魂從此
附身附棺不向白楊而屑涕佇望釀花於此日恩感重泉
定徵結草於將來福流奕葉

